

弘

簡

錄

弘簡錄卷九十四

天王 宋一之十下

高宗紹興十二年春正月杓粦政癸卯張俊入朝罷樞密行府  
薦王德領所部兵田師中領飛鄂州兵二月丁丑建國公瑗出  
就外第封普安郡王朔望朝參癸巳金遣何鑄等還許歸梓官  
及皇太后三月辛亥申嚴戚里宗室謁禁夏四月甲子朔遣孟  
忠厚迎護梓宮王次翁奉迎兩宮皆充禮儀使丁卯皇太后偕  
梓宮發五國城金遣完顏宗賢劉昀高居安各護送又遣左宣  
徽使劉若冊上爲大宋皇帝庚午賜陳誠之以下二百五十四  
人及第出身辛巳皇后邢氏訃至祔主別廟甲申增修臨安府

學爲太學額設弟子員三百復教官科停僧道度牒令州縣各

修學宮五月乙未遣使賀金生辰正旦遵契丹例不兩遣人自後

歲以六月甲子命侍從臺諫禮官雜議權奉撰官以万侯嵩爲

按行使秋七月己酉始製鹵簿儀仗及造五輅八月兀术使求

商州及和尚方山二原丙寅万侯嵩叅知政事與王次翁俱充

金國報謝使壬午皇太后至入居慈寧宮己丑帝易總服迎太

上及二后梓宮奉安於龍德別宮是月鄭剛中分畫陝西地界

割商秦之半界金存上津豐陽天水三縣及隴西成紀秦和尚

方山二原以大散關爲界九月乙未孟忠厚充總護撰宮使壬

寅大赦戊申命藏金國誓書於內侍省冬十月乙丑始聽中外

用樂丙寅權撰帝后梓宮於會稽號永固陵鄭后祔焉乙亥翰

林學士程克俊簽書樞密院兼權叅知政事自此以後令簽樞  
叅政於一處仍只

除一員謂之作弄  
相待如庶官禮

甲申皇太后生辰上壽於慈寧宮十一月甲

午行經界法以左司郎中李椿年爲兩淮運副專治之己亥禁

貶謫人私至行在庾子作崇政垂拱二殿十二月壬申檜上六

曹寺監通用勅命格式是歲斷大辟二十四人鎮江太平池州

蕪湖建寧皆大火十三年春正月檜專政戊戌加上徽宗號

曰體神合道駿烈遜功聖文仁德憲慈顯孝皇帝己亥饗太廟

癸卯卽岳飛第建太學置博士正錄乙巳復科舉法初場試經

義二場詩賦三場策論二月壬戌初御前殿特用四叅官起居

甲子製郊廟社稷祭器乙丑更永固陵曰永祐辛巳秦煬上所

修建炎紹興日曆五百九十卷著作郎王楊英周執羔皆遷秩

乙酉建景靈宮奉安累朝神御遣吏部侍郎江邈奉迎於温州

三月乙巳建太社太稷丙午築圜丘夏四月癸亥頒鄉飲酒儀

閏月己丑立貴妃吳氏爲皇后戊申命史館編脩康建炎忠義錄夏五月丁丑天中節始上壽錫宴如故事六月壬戌禁三衙及諸軍市易月增將官供給錢貳戌洪皓張邵朱弁來歸秋七月甲子置秘書省詔求遺書八月丁亥命諸路監司一員提舉學事辛丑廣昌化萬安吉陽軍知階州田晟將所部三千人赴行在命爲侍衛馬軍司主管公事以隸其衆庚戌詔監司守臣講求恤民事宜措畫弭盜招捕誘三策九月戊辰置諸路敦宗院定宗學生額百員己巳詔監司歲終上州縣所增戶口以課殿最冬十月己丑檄上監學勅令格式己寅重創渾天儀觀國朝會要御書九經刻石太學復置三館養士十一月庚申日南至合祀園丘以太祖太宗並配大赦十二月癸未朔日食雲陰不見己酉金遣使來賀正旦始頒曆十四年春正月檜導致

丁巳樂平水關田中及井中各高數尺穿墻踰坎有聲如雷皆聚於杉墩且前且却約十餘刻乃解二月戊戌初命四川都轉運使歲撥總制司錢市紬絹綿輸鄂州總領所宣撫司始取民戶錢益軍費號稱提錢三月丁卯避金祖嫌名改岷州爲西和州已巳謁孔子廟遂幸太學命高閎講易泰卦已卯詔舉賢良夏四月丁亥知虔州薛弼奏拆民居朽柱中有文曰天下太平帝大悅詔付史館甲午遣馬軍司統領張守忠討海賊朱明五月甲子中丞李文會代樓照簽書樞密院兼權參知政事已巳金始遣使來賀天申節辛未楚州鹽城縣海水清六月丁亥加高世則少保戊子安南國入貢癸巳宣州涇縣妖賊俞一作亂守臣捕滅之乙未閩浙大水乙巳置小學秋七月丙寅立明法科兼經法丙子幸秘書省八月癸未撫州獻瑞禾庚寅以李椿

年權戶部侍郎仍治經界九月甲子命郡守各舉縣令冬十月  
甲子從右正言何若言黜伊川程氏學十一月甲子復內教卽  
禁中閣試三衛將士十二月丁丑朔潼川府路運判宋蒼舒獻  
嘉禾一莖九穗已卯命諸郡收養老疾貧乏之民置漏澤園丁  
酉李文會罷尋責筠州居住中丞楊愿代之是月汀賊華齊寇  
漳州長泰縣安撫司捕兵將佐趙成等死之十五年春正月  
檜專政丁未朔御大慶殿初行大朝會禮戊申瀘南安撫馮楫  
獻嘉禾已未分經義詩賦兩科取士辛酉初置新山戊辰命戶  
部侍郎王錢先於兩浙措置經界辛未初收僧道免丁錢三月  
試博學宏詞科湯思退王曠洪遵皆入等夏四月戊寅彗星出  
東方避殿減膳命條便民事宜恤刑決獄癸未賜進士劉章等  
三百人及第出身丁亥大赦癸巳彗沒五月丙辰客星見六月

乙亥朔日食丁亥客星沒秋七月戊申復置利州鑄錢監戊午  
命監司審察縣令治狀顯著及老懦不職者上名黜陟八月甲  
戌朔禁收折帛零錢止輸實數己亥命川廣憲臣淮南京西漕  
臣各兼領提舉常平茶鹽公事九月寬光與盛州上供冬十月  
庚子置四川宣撫司總領錢糧官十一月己卯罷明法新科十  
二月戊午置江陰軍市舶務甲子命右司員外郎李朝正同措置  
經界十六年春正月拾專政戊子增太學外舍生額至于  
人壬辰親饗先農於東郊行籍田禮二月毀諸路淫祠三月庚  
子朔建武學置弟子員百人夏四月戊午定選試武士弓馬去  
留格五月壬申漕運河命諸路漕臣兼提舉學事癸未初作太  
廟祫室丙戌作景鐘六月安南獻馴象秋八月辛丑築高禩壇  
九月甲戌命何鑄等使金國祈請國族甲午統制張淵韓京等



討捕福建廣東諸盜有功各進官冬十月戊戌撞景鐘奏新樂  
觀新作禮器於射殿十一月丙子合祀園丘大赦庚辰罷州縣  
新創稅場癸未復置御書院己丑加潘正夫少保十二月戊戌  
雪見西南方乙巳減十七年春正月檜專政己巳命諸路收  
試中原流寓士人已卯禁監司郡守進羨餘以其錢充月椿之  
數遣官覈實經界二月乙巳親祠高禩辛酉罷李若谷放於江  
州三月乙亥何若罷己卯以翰林學士段拂叅知政事中丞汪  
勃簽書樞密院事夏四月以右正言巫伋兼崇政殿說書自此與經筵相爲表裏五月甲子詔舉賢良秋七月辛巳太白晝見癸未命  
李璆同總領四川財賦符行中叅酌減放四川重斂冬十月辛  
卯朔日食癸卯建太乙宮己未甘露降十一月丙寅頒常平免  
役法丁卯復賜進士聞喜宴十二月賜百官喜雪御筵於柏第

是歲蒙古自稱祖元皇帝改元天興 十八年春正月拾專政  
已巳幸天竺寺及玉津園二月己未段拂罷尋落職放典國軍  
以汪勃叅知政事三月庚辰幸新太乙宮夏四月戊子朔日食  
甲辰賜進士王佐等三百三十人及第出身丙辰命於景靈宮  
圖配饗功臣像趙普曹彬薛居正石熙載潘美李沆王旦李繼  
隆王曾呂夷簡曹瑋韓琦曾公亮富弼司馬光韓忠彥凡十有  
六人五月徽州慶雲見李顯忠上恢復策降官放之台州甲申  
罷四川宣撫司改李璆爲安撫制置使六月甲辰築九宮貴神  
壇於東郊戊申士民曹溥等上尊號不許福州竹實浙東西淮  
南江東早秋七月寬諸州雜稅八月汪勃罷代者工部尙書詹  
大方閏月甲子命臨安平江兩淮湖北各廣儲蓄歲糴米百二  
十萬石爲額振紹興府明越秀潤徽婺饒信諸州饑甲申降辛

道宗官房州鶚骨上因諸州賊平以福建所招奇兵爲殿前司  
左翼軍九月丙午大方卒冬十月丙辰以御史中丞余堯弼代  
之十一月乙酉朔升威生帝爲上祀十九年春正月甲申朔  
皇太后壽登七十帝詣慈寧殿行慶賀禮三月癸未朔日食夏  
四月丙寅秘閣修撰張邵上秦檜代徽宗在金與粘罕書彙詔  
付史館擢邵徽猷閣待制戊寅湖廣江西建康並奏甘露降諸  
路奏獄空五月戊戌賞平福建羣盜功以選鋒軍統制劉寶爲  
武泰軍承宣使餘將士遷秩有差仍蠲賦稅戊午秦檜上吏部  
續降七司通用法秋七月壬寅頒農書九月命圖秦檜像仍作  
贊賜之冬十月己未湖南副總管辛永宗停官住肇慶府十一  
月壬辰合祀闕丘大赦辛丑經界不均罷李椿年丁未立州縣  
墾田增虧賞罰格十二月復行蜡祭丁巳金完顏亮弑其君亶

自立二十年春正月檢專政丁亥殿前司軍士施全謀誅之不克被磔於市詔自今每出列五十人操挺以衛三月庚辰金遣完顏思恭等來報卽位癸未以余堯弼叅知政事給事中巫伋簽書樞密院事丙申下李光子孟堅於大理獄流之峽州緣坐程瑀潘良貴張燾宗穎許忻賀允中吳元許黜降有差庚子堯弼使金賀卽位復以伋權叅知政事夏四月金大殺其宗室晟及粘罕子孫皆絕癸酉置力田科信州妖賊黃曾等作亂陷貴溪縣江西兵馬鈐轄李橫等討平之五月詔舉制科癸未檢上中興聖統詔奉安於景靈宮八月甲辰朔移張浚永州孫近處州万侯嵩沅州李若谷饒州李文會江州段拂南康軍並開住戊申改建大理寺九月丙申侍御史曹筠以附下罔上罷爲集英殿修撰出知衢州檢有疾命執政就第議事十一月命以

肩輿入宮門二孫扶掖升殿不拜十二月以槍婁弟王會爲兵部侍郎二十一年春正月槍專政二月詔諸州置惠民局壬戌遣巫伋等增加金國帝號請歸靖康帝喪及皇族皆不許三月遣使復修陵寢夏閏四月丁亥親試禮部舉人賜進士趙述以下四百人及第出身五月吳玠楊政田師中並爲太尉秋七月壬寅以曹錕爲四川安撫制置使八月辛未槍上重修諸路茶鹽法乙亥加岳陽軍節度使士樽開府儀同三司充萬壽觀使九月籍寺觀絕產以贍學冬十月甲戌率張俊第甲申夜有赤氣十一月庚戌薨弼罷十二月壬申雷二十二年春正月槍專政二月丁巳遣司農丞鍾世明措置福建寺觀絕產田宅歲入錢三十四萬緡夏四月巫伋罷代以中丞章夏五月襄陽大水六月議賑灾秋七月虔州軍卒齊述殺統制吳進同總領

馬晨據州叛八月己卯遣殿前遊奕軍統制李耕討之就知州事九月癸丑章袞罷冬十月甲戌中丞宋樸代之十一月戊申合祀園丘大赦李耕入虔盡誅叛兵事遂平十二月檜以徐宗說營產業擢爲戶部侍郎時人目爲莊客二十三年春正月

檜專政二月癸亥幸延祥觀辛未改虔爲贛州癸未賞李耕爲金州觀察使夏五月詔舉制科乙巳復以蕭振爲四川制置使六月潼川大水平地丈五尺死者甚衆議賑貸秋七月平江湖秀水蠲民夏稅八月丙寅左宣教郎王孝廉謀據成都叛事覺伏誅乙酉命勅令所編輯中興以後寬恤詔令冬十月宋樸罷以右諫議大夫史才代之兼職如故命大理鞠妖人孫士道獄十一月甲辰班大宗正司條令二十四年春正月檜專政戊寅地震二月試博學宏詞科三月乙亥賜進士張孝祥等三百

五十六人及第出身秦壘居次天下皆爲切齒夏四月辛丑西南小張藩貢方物已酉羅殿國貢名馬五月癸丑朔日食衢州人俞八作亂圍城通判汪名錫拒却之復掠嚴州壽昌縣遣殿前司正將辛立討平之六月癸巳史才能以中丞魏師遜代之秋七月甲子復落蕭振職仍住池州以符行中代之乙亥南丹州莫公晟及宜州界外諸蠻納土內附八月壬辰禁百官避免輸對甲午罷溫州市黃柑福州貢荔枝九月丁巳賞辛立功爲忠州團練使冬十月作龍圖等六閣十一月魏師遜罷以權吏部侍郎施鉅參知政事鄭仲熊簽書樞密院事二十五年春正月掄專政二月乙酉授鎮江都統制劉寶安慶軍建康都統王權清遠軍皆節度使三月己酉右司郎中張士襄使金還坐承命不肅罷之壬寅地震夏四月施鉅罷以鄭仲熊兼權叅知

政事戊子命四川制置司就省試院校試刑法五月丁未朔日  
食太廟仁宗室柱生芝九莖六月安南入貢鄭仲熊罷以湯思  
退簽書樞密院事秋八月建執政府以吏部侍郎董德元叅知  
政事九月庚辰復置鴻臚寺丙申桯病亟與燬並致仕是夕死  
丁酉大索桯黨與姻舊廢戶部侍郎兼知臨安曹泳於新州王  
會循州罷朱致儒王彥傳杜思旦鄭仲熊及守臣王昉王錡鄭  
僑年鄭震方滋命有司具上執政侍從官居外任及主宮觀與  
在謫籍者職位姓名來上辛丑奪林一飛徐嘉張汝言職十一  
月壬子以魏良臣叅知政事癸亥合祀園丘大赦乙丑復故洪  
皓官釋張析并胡寅等聽趙汾李孟堅王之奇自便丁卯罷大  
理寺官旬白庚午詔諸司事無巨細皆須奏聞裁決毋祇上尙  
書省臣僚薦舉人才必三人以上同薦封皇叔士俊嗣濮王淦



詔安定郡王時停封已十年以趙逵兼普安二府教授辛未真臘羅斛國貢馴象十二月甲戌朔詔臺諫風憲之地比用非其人黨於大臣濟其喜怒殊非耳目之寄朕今親除公正之士以革前弊各宜盡心乃職毋令黨締交敗亂成法自貽厥咎復張浚官段拂自便戊寅責鄭億年建武軍節度副使竄南安軍壬午詔監司守臣禁羨餘罷權攝戢苞苴節宴飲除前後告訂莫汲汪名錫陸升之等九人名殲廣南州甲申召孟忠厚奉朝請復胡寅張九成等二十八人官乙酉董德元罷尋落職辛卯命三省六部條具續降勅旨來上審詳施行丙申復趙汾葉三省王趨劉岑官再任蕭振四川制置使竄符行中南雄州丁酉詔放閩廣蠶丁禁貢真珠文犀戒諸州縣加收耗糧是歲汴京火宮室悉焚金主亮意欲南侵

二十六年春正月帝親政甲子追復趙鼎孫近鄭剛中汪藻舊職乙丑詔選擇監司須七品以上清望官經朝擢及治郡著績者丙寅復竄曹泳吉陽軍王會瓊州宋貺梅州戊辰除民事律蠲諸路民身丁絹并積負及黃河竹索錢二月乙亥命四川州縣凡預借民賦稅分限理析已卯定諸州流寓士人解額庚辰罷進奏院定本朝報乙酉貢上書詣檜進士林東於英州責指使林一飛監高州鹽稅庚子放貪虐附檜左朝散大夫王囑於建昌軍右奉議郎薛仲邑連州直徵猷閩昌愿中封州三月甲寅罷宰相兼樞密使丁巳復楚州盱眙軍及兩淮邊民十年次邊五年丁卯蠲諸州歲供軍器所物料并減工匠已巳募四川民佃淮南京西閒田夏四月戊子增溫台等十六州解額命湖北路守令以增戶墾田爲殿最甲午禁進祥瑞戊戌復六科舉

士母拘程願安石一家之說罷免鄉飲薦舉自今大辟情無可  
矜刑寺不得妄引奏裁貸減五月丁未華州軍教授兼他職六  
月丁丑以端明殿學士程克俊叅知政事丁亥流星晝隕辛卯  
命史館重修日曆秋七月辛丑詔三衛主帥舉武臣堪知州者  
丁未葺山井丙辰方減辛丑雨水銀八月戊寅班元豐崇寧學  
制革正前舉秦壚曹冠等九人復權要親族中第覆試法庚辰  
裁定六曹寺監百司并州縣吏額及增吏祿己丑蜀建康府積  
欠內帑錢帛辛卯克俊罷以吏部侍郎張剛叅知政事九月乙  
巳以翰林學士陳誠之同知樞密院事丙午立互易薦舉坐罪  
法壬子詔四川兩路漕臣同制置總領茶馬司審度財賦利害  
其實惠得以及民調度可以經久者條具以聞并舉可守郡者  
甲寅以天聖紹興決賊吏指揮班示諸路戊辰命吏刑二部修

條例爲成法冬十月己巳朔詔凡被槍無辜罪害者自陳瑩正  
時上與宰相仍諱言兵東平進士梁勳伏闕上書言北事帝怒  
命編管千里之外閏月乙卯初置臨安府左右廂官分掌訟牒  
罷浙東常平司平準務十一月甲戌命吏部侍郎陳康伯戶部  
侍郎王傑稽考國用歲中出納之數十二月戊戌臘饗太廟辛  
丑命三省臺諫所言事復報樞密院并錄聖語甲寅罷諸路鑄  
錢司庚申賁應詔論事切當者壬戌三佛齊安南國各遣使朝  
貢焚所貢翠羽於通衢金主亮修復汴京二十七年春二月  
壬寅太廟仁英兩室柱生芝戊午中丞湯鵬舉叅知政事三月  
己巳命京局改官人先除知縣乙酉赤氣出紫微垣丙戌賜進  
士王十朋等四百三十六人及第出身六月甲辰命臣僚轉對  
盡忠開陳毋撓細微以應故事戊午初命太廟冬饗祭功臣臘

饗祭七祀祫饗兼之秋七月蕭振卒以李文會代之八月乙未  
湯鵬舉知樞密院事九月丁亥從校書郎葉謙亨言祀典散逸  
隆殺不當名稱或外上勅禮官秘書酌景德故事取祭祀之式  
定爲一書名曰紹興正祠錄以爲恒制冬十月壬寅秘書少監  
曾幾進讀三朝寶訓終篇十一月丁亥鵬舉罷十二月始命侍  
讀王師心進讀漢書以觀得失二十八年春正月癸巳命史  
館重修大觀以前寶錄丙申陳誠之知樞密院王綸同知院事  
乙巳綸薦興化布衣鄭樵學行上召對授右迪功郎令有司繕  
寫所著通志以進三月辛酉朔日食丁丑加田師中開府儀同  
三司戊寅詔自今用人帥臣監司與侍從卿監郎官內外更迭  
補任戊子責檜黨宋樸徽州沈虛中筠州各居住夏四月嚴州  
遂安賊江大明寇衢州官軍捕斬之六月壬辰太白晝見癸巳

流星彗隕秋八月戊子朔置國史院修神哲徽三朝正史乙未  
增四川十七州舉人解額戊戌湯思退等上徽宗實錄甲寅地  
震九月甲戌詔以吏部七司舊制與續降叅訂異同立爲定法  
冬十月帝作損齋爲燕居之所悉屏玩好置經史古書於中御  
撰記文務清心寡欲恬淡省事以稱治道貴清淨之意十一月  
己卯合祀圜丘大赦上親制樂章十二闕十二月丁未知興元  
姚仲聞金有敗盟意復繕五州義士二萬餘人殿前司置虎翼  
水軍千人二十九年春正月丙辰朔皇太后壽八十詣慈寧  
殿行慶壽禮三月壬辰秘書少監沈介國子司業黃中賀金國  
生辰正旦還言金人將徙居汴望早飭邊備宰相怒之前使禮  
部侍郎孫道夫亦奏金主詰以關陝買馬非約恐將求犒帝謂  
待之甚厚何犒可求荅曰其射尙殺之何況其他帝不聽五月

丁卯命三總領所給見錢關子許商人上納已已額元祐司馬  
光奏薦八條仁惠公直明敏廉謹按劾四條苛酷狡佞昏懦貪  
縱六月丙申陳誠之罷秋七月丁亥賀允中叅知政事八月朱  
熹講學於武夷山上聞其賢召之不至九月甲申詔建炎以來  
出使未還後嗣無祿者與官乙酉王繪奉表稱謝金國還言和  
好無他思退等稱賀甲午陳康伯入相乙未皇太后不豫大赦  
不視朝庚子崩癸卯遣周麟之等奉表告哀於金冬十月甲寅  
羣臣五上表始聽政戊寅恭上冊諡曰顯仁十一月丁亥賀允  
中等賜金國遺留物還言必叛盟宜爲備勒令致仕丙午擢附  
永祐陵十二月甲寅諜言北界民謠傳起兵帝諭大臣爲安邊  
息民之計甲子祔神主太廟丙子金遣閩人施宜生等來賀正  
旦密言本國主亮陰遣書工圖繪臨安山水城郭題詩其上有

立馬吳山第一峰之句帝始驚懼三十年春二月乙卯金遣大懷忠等來弔祭戊午遣葉義問等使金報謝癸酉立普安郡王瑗爲皇子璩爲皇姪三月辛巳復館職名試丁酉初置金州御前諸軍以王彥爲都統制癸卯賜進士梁克家等四百一十二人及第出身夏四月丙辰賀允中同知樞密院事五月辛卯臨安於潛安吉三縣大水高雷二州海賊陳演添作亂南恩州民林觀禽殺之賞以官秋七月丁丑朔日食戊戌周麟之同知院事八月丙午朔日食壬申淮東總管許世安奏金主亮至汴京起蕃漢兵五十餘萬屯宿州泗州謀入寇兵部尙書楊椿上言四策其一兩淮諸將盡地分守其二措置民社密爲寓兵之計其三淮東將驕兵寡不可專任其四沿江州郡增壁積糧上嘉納之斥譴劉寶轉劉錡鎮江都統制制勝軍千人九月庚寅



置江州荆南御前都統制分撥三衙及新募兵共萬人命戚方領屯江州調推鋒右翼軍合萬人命李道領駐荆南冬十月丁未遣虞允文賀金正旦還奏將看花洛陽癸亥日中無雲而雷癸巳夜有白氣出入危昴間十一月乙巳朔湯思退有罪交章罷免戊申夜白氣亘天海南黎賊王文滿平癸丑命戶部立經總制錢十年中數爲定額初行會子於東南是冬淵聖皇帝崩三十一年春正月甲戌朔日食不受朝丁丑大雷電繼以雨雪侍御史汪澈奏陰象極盛時上無女謁殆爲外敵內侵二月從禮部侍郎金安節言復立經義詩賦兩科永爲定式丙辰置行在會子務醫僧道度牒三月壬午以楊椿叅知政事壬辰地震庚子贈前徽猷閣待制死節張子發四官錄其子孫夏四月丁巳雨傷蠶麥各路盜起命侍從臺諫條上弭災除盜之策出

天申卽銀十萬兩加充戶部糴本辛未遣周麟之使金賀遷都  
因辭避責謫爲州代以樞密都承旨徐壽五月乙亥增築禁城  
辛卯金亮如汝洛遣高景山王全來賀生辰口傳悖慢語求淮  
南地多爲虛聲言興兵四出指取將相近臣計事兼報淵聖皇  
帝計音壬辰發喪羣臣三上表始聽政甲午召存中趙密等至  
都堂與宰執同議舉兵詔諭諸路統制帥守監司隨宜應變毋  
失機會乙未命吳玠屯武興姚仲成興元田師中屯鄂渚成閔  
戍鄂州吳玠備襄陽以相犄角王彥成漢陽顯忠屯池陽王  
權戍建康壁壘相望時宿將皆無存者六月丙午以劉錡節制  
諸路軍馬屯揚州丁未出宮女放女樂罷教坊併勅令所歸刑  
部蜀臨安府禁軍闕額錢辛亥金亮遣大懷正至盱眙語伴送  
呂廣問令歸奏遷汴日朔庚申彗出於角甲子始御正殿丙寅

聽淮南諸州移治清野淮北民兵崔唯夫董臻等率衆萬餘來  
歸秋七月雷州軍賊凌鉞竊發東南第十二將高居升會高客  
廉化五州官兵討平之辛卯振淮南歸正人分處諸州願爲兵  
者聽壬辰徐熹等至盱眙金謂非所指取亟遣還癸巳詔四川  
財賦先舉後聞乙未行新造會子於淮浙湖北京西諸州八月  
丙午蠲諸路民秋稅之半并逋欠經總制錢江浙等路上供米  
丁未婉客劉氏以妾預國政廢之竄王繼先壬戌復用張燕知  
建康府丙寅出內帑錢犒戍兵之家仍悉除軍債九月庚午朔  
朝饗太廟辛未大饗明堂罷合祀奉徽宗配上帝大赦甲戌吳  
璘敗金兵於大散關遣彭青至寶雞渭橋破橋頭砦乘勝復秦  
隴洮三州以張超守光化軍金兵至拒却之壬午流星晝隕壬  
辰監盱眙軍夏俊復泗州甲午冊上淵聖諡曰恭文順德仁孝

皇帝廟號欽宗乙未金人犯信陽軍并德安趙樽引兵赴之敵  
騎遁去樽渡淮復聚信新蔡二縣己亥蘭州漢軍千戶王宏殺  
其刺史溫敦烏也來降以爲忠義軍統制就知蘭州金遣都督  
李通造浮梁淮水上由渦口自將渡淮遠近大震冬十月庚子  
朔下詔親征置機速房以吳璘兼陝西河東劉錡兼東京河北  
東路成閔兼京西河北西路皆招討使金人渡淮李顯忠收兵  
而歸遂陷安豐及光州戚方遣張寶復之丁未吳璘傳檄契丹  
西夏高麗渤海諸國及河北河東陝西京東河南諸路共出師  
討金是日金葛王璘卽帝位己酉知均州武鉅招納北界杜海  
等二萬衆來歸復嵩州辛亥金將蕭琦陷滁州守臣陸廉遁劉  
錡引兵拒清河金兵將渡淮遣統制王綱等擊敗之癸丑借江  
浙荆湖等路坊場錢并勸諭富民捐貲以備軍實金人圍廬州

王權棄城退屯昭關權州事楊椿突陣出守水砦劉錡遣兵來救不利聞權遁渡淮而歸金主遂入廬州追權至尉子橋統制姚興戰死權退保和州吳拱在襄陽遣將侯俊郝敦誓復唐州甲寅金兵忽抵樊城拱遣守將翟貴王進與戰俱死至晚方退乙卯以金人渝盟告於天地宗廟社稷王彥遣統制任天賜出洵陽復豐陽縣又復商州執金將完顏守能又復朱陽上津平輿三縣并蔡州斬總管楊寓丁巳帝聞王權等敗召存中同宰執議於內殿康伯賢帝定議親征乃以存中爲御營宿衛使戶部侍郎劉岑爲隨軍都轉運使李顯忠爲御營先鋒都統制屯蕪湖主營步軍司李捧爲前軍都統制分御營爲五軍復張浚觀文殿太學士判潭州湯思退醴泉觀使兼侍讀分官吏三之一扈從餘留行在戊午葉義問督視江淮軍馬趨鎮江虞允文

參謀軍事金肥真州步軍統制邵宏淵逆戰於胥浦橋兵敗城陷不入竟犯揚州淮東安撫使劉澤棄城奔泰州鉞亦退屯瓜埠鎮金人入揚州王權自和州退屯采石夜還建康金人陷和州復如采石乙丑金人趨瓜埠鉞拒之丙寅金舟師入膠西李寶敗之丁卯遣吏部侍郎汪應辰詣浙東措置海道義問起江浙福建諸州彊丁赴江上諸軍十一月己巳朔宏淵遣統領崔阜敗金人於定山辛未成閔引兵發應城縣順流而下以援淮西收復州郡壬申移浚判建康府以顯忠代王權宏淵代顯忠都統制金鐵騎奄至瓜埠劉汜李橫皆遁統制魏俊王方死之義問惶怖趨建康金遊騎至無爲軍守臣韓髭棄去癸酉淮寧府民陳亨祖執同知完顏耶魯以城來歸命守之甲戌池州統制崔定等復無爲軍又復巢縣乙亥金主亮期以翼日渡江丙

子允文督建康諸軍統制張振王琪時俊戴皋等以舟師力拒於東采石戰勝却之丁丑又遣水軍統制盛新敗金人於楊林河口金主焚舟而遁戊寅王彥遣將楊堅復樂川縣己卯以思退爲行宮留守庚辰金亮引軍趨淮東允文如鎮江備敵甲申贈姚興魏俊王方官殛王權瓊州劉汜英州貸其死乙酉江州統制李貴忠義首領孟俊復順昌府金州將那進復華州丁亥劉錡有疾以成閔李顯忠吳拱爲西淮京湖三路招討使己丑王彥遣將楊堅黨清復西京長水并福昌縣又命閔玘復澠池縣乙未金亮死戊戌金都督府遣人詣鎮江議和十二月劉萼復犯漢南之茨湖鄂州軍史俊獲其一將諸軍繼進萼師北去楊椿夜攻金帥高定山殺之復廬州壬寅天有白氣癸卯右軍統領沙世堅入泰州甲辰允文自鎮江入見帝迎勞曰朕之裴

度也均州統領督朝復鄧州乙巳浚至慈湖命顯忠渡江收復  
淮東丙午統制王選復楚州丁未杜隱等入河南府拱遣統領  
牛宏入汝州戊申帝發臨安以皇子從行庚戌金人渡淮北去  
壬子駕次平江罷督視府遣允文還鎮江癸丑淮東統制劉銳  
陳敏入泗州鄂州統制楊欽以舟師追敗金人於洪澤鎮乙卯  
江北金兵盡去顯忠復入和州璘遣將復水洛城戊午駕次鎮  
江府庚申璘拔治平砦壬戌曲赦新復州軍降囚罪賞功進統  
制張振時俊等官金穎壽二州巡檢高顯以壽春府降王友直  
等自壽春來歸以爲忠義都統制三十二年春正月戊辰朔  
日食帝在鎮江己巳金人犯壽春府忠義將劉泰戰死庚午駕  
發鎮江壬申至建康府浚入見丙子祧翼祖祔欽宗己丑金主  
雍遣高忠建等來告嗣位庚寅詔新復州縣搜訪仗節死義之



士二月戊戌朔拜允文兵部尙書川陝宣諭使措置軍馬與璘  
經畧中原庚子璘遣統領惠逢等復河原二州并積石軍克來  
羌城金人復陷和州屠其民壬寅金人犯汝州守將王宣逆戰  
敗之尋棄去癸卯帝還臨安辛亥金犯順昌孟新拒却之尋亦  
棄去壬子賞蔡州再戰功進趙搏馬軍司中軍統制乙卯興元  
都統姚仲攻鞏州不下退守甘谷城遂引兵圍德順軍丙辰金  
人三犯蔡州趙搏擊却者四搏卒棄去金復取之王彥遣馬貴  
斷河中南橋金兵來攻貴戰敗之王彥詔軍士戰死者錄其家  
傷重而死於營者半之乙丑王宣及右軍副將汲靖敗金人於  
確山縣姚仲遣副將趙銓攻下鎮戎軍金同知渭州秦弼及其  
子嵩來歸王彥遣兵救陝州遇敵於虢州東敗之丁卯吳拱復  
永安軍并永寧縣閏月吳璘拔大散關金人走寶雞庚寅王剛

破金人於海州壬辰姚仲攻順德軍敗金人於瓦亭砦新店三月己巳錄商號功加璘少傅彥保平軍節度使戊申璘又復德順軍遣將嚴忠取環州復遼河池辛亥命兵部侍郎陳俊卿工部侍郎許尹經畫兩淮堡砦屯田癸丑金人圍淮寧府守臣陳亨祖死之成閔遣統制杜彥救淮寧敗金人於項城縣丁巳遣起居舍人洪邁知閤門事張掄賀金主卽位報聘書用敵國禮戊午王宏拔會州金復陷淮寧統領戴規戰死成閔還朝辛酉又攻原州姚仲來救戰於北嶺收績丙寅詔舉賢良夏四月己巳命侍從臺諫條上防秋足食足民策遣左武大夫都飛虎結約河東壬申賞御營宿衛將士進官有差隨罷之癸酉蒙縣民倪震率丁口數千來歸戊寅楊椿罷中丞汪澈叅知政事五月大雨淮水暴溢甲寅命浚措置兩淮事務兼節制淮東西沿江

州郡軍馬乙卯知順昌軍孟昭率部曲來歸己未吳璘復熙州  
甲子立建王爲皇太子罷三招討司以閔主骨殿前司顯忠主  
骨馬軍司拱主骨步軍司皆加太尉六月戊辰名新宮曰德壽  
丙子禪位皇太子帝稱太上皇帝退處德壽宮皇后稱太上皇  
后後累上尊號曰光堯壽聖憲天體道性仁誠德經武緯文紹  
業典範明謨盛烈太上皇帝壽八十一崩在位三十六年諡曰  
聖神文武憲孝皇帝廟號高宗

冊曰皇矣鑒觀其莫可測久湮者興久炎者熄竊秦愧死  
馬晉太息光顯堯仁不愆舜德得壽得名逢安逢吉正始  
令終此爲第一

天王 宋一之十一上

孝宗皇帝諱昀字元永太祖七世孫語載秦王德芳子英國公

惟憲下父子偶母夫人張氏以建炎元年十月戊寅生於秀州  
青衫輝之官舍紅光滿室如日正中初名伯琮值元懿太子薨  
孟太后自江西還咸召異夢密爲上言上大悟始下詔遴選僕  
射范宗尹叅政張守皆言藝祖諸子不聞失德而傳位太宗退  
堯舜遠甚陛下爲天下遠慮合於藝祖可以昭格天命與同樞  
宰同上虞丞婁寅亮所言不約而同司天苗昌裔當昌陵復土  
時預言太祖後當再有天下帝謂此事朕不難行但於伯宇中  
選擇庶幾昭穆順序乃命納入禁中初除和州防禦使賜名瑗  
以貴州防禦使趙鼎議立書院於行宮教之既成名資善堂以  
范冲兼翊善朱震兼贊讀天資特異讀書能記加授保慶軍節  
度使封建國公出閣就第進檢校少保封晉安郡王父喪解官  
行服紹興十六年四月乙巳免喪還官十七年六月改節常德

軍因入侍言衛州盜起遣官捕之泰槍不以聞帝大驚槍忌之  
奏停其居喪時俸給帝出內帑資之遇槍疾篤其家秘不上聞  
謀以子煒代相又密啓以破其奸立爲皇子更名瑋字元琬授  
寧國軍節度使開府儀同三司進封建王三十一年明堂恩復  
改鎮南寧時兩淮失守朝臣多欲退避王輒不勝憤請率師前  
驅直講史浩草奏因中官以進言太子不宜將兵惟當扈從問  
候朝夕以供子職高宗欲其徧識諸將命扈蹕如金陵上久欲  
倦勤會邊事不果金陵歸以語陳康伯中書舍人唐文若言不  
宜急遽明年立爲皇太子賜今名將禪以位固遜不受高宗御  
紫宸殿宣詔畢令內侍掖至御榻前側立伺還宮內侍復扶掖  
七八乃就坐宰相率百僚稱賀帝遽興輔臣升殿固請帝愀然  
曰此大位懼不克當班退上皇卽駕之德壽宮詔在內諸司曰

將官吏應奉增置德壽宮提點幹辦等官宿衛依皇城及宮門  
法丁丑朝德壽宮自是宰相以下一月兩朝上一月四朝己卯  
告於天地宗廟社稷甲申詔百官輪對求直言監南嶽廟朱熹  
首疏勸上務帝王之學丙戌進宰執官辛卯罷四川市馬癸巳  
蝗令侍從臺諫條上民間利害付後省看詳采可用者上聞甲  
午上兩宮尊號光堯壽聖太上皇帝壽聖太上皇后乙未晦金  
人屠原州秋七月戊戌吳挺復鞏州庚子張浚入朝賜坐降問  
甲辰命汪澈視師湖北京西遣劉珙張說使金告卽位不納而  
還戊申追復岳飛官以禮改葬官其孫六人仍還田宅是夜地  
震大風拔木己酉謁太廟別廟癸丑趙搏并忠義統領皇甫侂  
復光州賜侂帛五千緡萬兩甲寅朝獻景靈宮戊午弟璩入朝  
八月乙丑朔四川馬軍統制高師中戰於摧沙敗死丙寅吳玠

敗金人於德順軍之北山已巳以史浩叅知政事洪邁張掄使  
還具言金勒稱陪臣浩惡而罷之丁亥班寬恤十八條戊子追  
復李光舊官趙鼎范冲並還合得恩數庚寅立生日爲會慶節  
權免上壽追冊故妃郭氏爲皇后諡恭懷九月甲午加封皇子  
楷爲鄧王愷爲慶王甲午金人攻德順軍東山堡中軍將李庠  
戰死丁酉御經筵講尙書周禮并讀三朝寶訓乙巳詔續纂元  
祐靖康建炎以來勳臣名次冬十月甲申莽丹蕭鵬巴朮奔以  
爲忠州國練使金人復攻德順璘擊走之遣兵追襲遂爲所敗  
十一月金以僕散忠義爲都元帥率師次汴紇石烈志寧爲副  
次於曜陽乙巳復攻水洛及隴城縣甲寅定內侍官以二百員  
爲額十二月乙丑宰相陳康伯復兼樞密使詔棄德順城徙兵  
民於秦州以張屯住死者數萬帝悔之辛卯廣西賊王宣破藤

州守臣廖顥棄城遁是歲諸路斷大辟四十一人

隆興元年春正月壬辰朔改元受朝於文德殿畢入朝德壽宮以爲常乙未詔立十科薦舉格式謀畧沉確可任大計寬猛適宜可使御衆臨陣驍勇可鼓士氣威信有聞可守邊郡思智精明可治器械已上五等於會立戰功不限在任閒居隨類薦舉通習典章可掌朝儀練達民事可任郡寄諸曉財計可裕民力將身廉潔可律貪鄙詞辯不屈可備任使已上五等不限軍功俱令觀察使以上行之庚子史浩入相以張浚都督江淮兩路軍馬陳俊卿叅贊軍事吳璘還河池新復十二州軍復爲金取二月宗室并功臣宰相乞減半俸以助軍用三月壬辰朔金遣統軍蒲察徒穆大周仁屯虹縣蕭琦屯靈壁積糧修城將圖南侵其帥以書來取海泗唐鄧侵地及歲幣乙巳詔求趙逸丁未



命修太上聖政庚申久雨命振災察刑夏四月金人拔環州守臣強電及弟震死之戊辰召浚入朝議出師先圖二城三省密院不預聞浩求罷許之壬申賜進士木待問等五百三十八人及第出身癸未詔給都督府軍費戊子以邵宏淵帥師次盱眙李顯忠次定遠五月成都地三震丁酉顯忠復靈壁縣降蕭琦宏淵聞虹未下顯忠遣降卒諭蒲察徒穆大周仁皆山降拜徙穆大同軍周仁彰國軍琦威塞軍並節度使甲辰進攻宿州復之戮金兵數千建康統領王珙巷戰死之辛亥天申節帝朝德壽宮受羣臣賀紘石烈志寧自睢陽引兵至宿州顯忠復擊却之捷聞進顯忠開府儀同三司淮南京畿京東河北招討使宏淵檢校少保寧遠軍節度使副之二將不協壬子戰於宿州顯忠失利是夜統制周宏左士淵及宏淵子世雄逃歸統制張訓

通并統領各又不協相繼而遁甲寅二帥師還至符離悉潰帝  
下詔罪已罷浚都督官屬各奪二官降宏淵武義大夫仍建康  
都統制安置顯忠筠州六月庚申朔日食丁卯復思退醴泉觀  
使兼侍讀辛次膺乞罷叅知政事代以周葵責汪澈台州居住  
秋七月癸巳思退復相乙巳詔臣僚條上闕政八月丙寅復浚  
都督江淮軍馬以劉寶兼淮東蕭琦除河北皆爲招撫使琦加  
檢校少保戊寅金帥復以書來所言四事還四州地及歸正人  
并歲幣稱臣大臣議奏帝曰四州地歲幣可與名分歸正人不  
可從乃遣淮西撫司幹辦公事盧仲賢資書往報冬十月丁丑  
地震辛巳升洪州爲隆興府十一月己丑仲賢還立定四事以  
聞思退急於求和庚子復遣王之望等往使許割四州求減半  
幣辛丑詔侍從臺諫於後省集議康伯請召浚入丙午下仲賢

大理獄奪三官令之望回境上待命癸丑復以胡昉楊由義使  
金審議十二月己未陳康伯罷乙丑因復相浚是歲兩浙江東  
大水兼旱蝗悉蠲其租二年春正月昉等至金營責以失信  
被執壬辰冊賢妃夏氏爲皇后乙未皇后朝德壽宮丙申虞允  
文調兵討廣西諸盜復王權武義大夫廣西路都鈐轄二月獲  
容州妖賊李雲其黨悉平丙子詔減文武官吏郊賜之半乙酉  
金主命歸胡昉三月丙戌朔詔浚復如淮上視師令之望等以  
幣還丁亥詔荆襄川陝帥臣嚴謹邊備毋先事妄舉除仲賢名  
械送郴州編管思退密令之望等驛奏兵備疎虞恐有害事丙  
午詔三衙戍兵歸司以所招忠勇軍隸步軍司神勁軍隸鎮江  
都統司皆更番歸砦授王彥建康諸軍都統制庚戌芝生德壽  
官命錢端禮淮東王之望淮西皆爲宣諭使招撫軍民夏四月

庚申召浚遷朔丁卯分建康歸正人爲忠毅軍鎮江爲忠順軍  
命蕭琦蕭鵬巴分領丁丑罷浚五月辛丑詔撤海泗戍兵賁宏  
淵靖州團練副使放南安軍丁未蝗六月甲寅朔日食辛酉淫  
雨詔州縣理滯囚賑江東兩淮被水貧民壬申命允文秦唐鄧  
不奉詔召還代以戶部尚書韓仲通秋七月丁亥落洪遵職以  
周葵兼權樞密院事丁未雨雹罷內侍押班梁珂奉外祠八月  
戊午南丹州莫延原爲諸蠻所逐來歸補修武郎庚辰賀允中  
復知樞密院兼叅知政事壬午遣魏杞等全國通問九月壬寅  
金人犯邊王彥帥師屯於昭關乙巳命楊存中都督江淮軍馬  
錢端禮吳玠叅贊軍事易國書以付魏杞上將擇日視師復起  
致仕趙密領殿前司李寶御前水軍都統制沿海駐劄冬十月  
甲寅杞等至盱眙金帥以國書未如式弗受丁卯允中致仕庚

午詔輔臣夕對便殿辛巳金人分道渡淮連陷楚濠滁州劉寶  
王彥俱遁十一月戊子改卜郊復召陳康伯赴行在甲午太學  
生張觀等伏闕上書請斬思退之望尹穡竄其黨洪适晁公武  
而用陳康伯胡銓等以濟大計丙申遣王朴持書如金帥府悉  
如所請戊戌再召康伯庚子遣胡銓尹穡分詣兩浙措置海道  
壬寅詔侍從兩省官日一至都堂議事有關臺諫者聽會議復  
虞允文任癸卯遣之望勞師江上甲辰金犯六合縣步軍統制  
崔阜擊却之丁未沈介爲沿江制置使命諸州調保甲分守渡  
口己酉落劉寶王彥職安置瓊州閏月戊辰金人退十二月詔  
郊祀大禮用正月上辛日丙申制詔天下正皇帝之稱號爲叔  
姪之國減歲幣十萬地界如紹興惟不遣歸正人又詔免沿邊  
被兵州軍賦稅減死以下罪囚遣洪适等賀金主生辰詔吳挺

市馬赴行在壬寅罷三衙江上及荆襄諸路招軍甲辰遣沿海水軍還屯己酉朝獻景靈宮庚戌朝饗太廟高麗交趾來貢

愚觀宋室至是譬若春暮之寒秋後之熱非若融和凜烈天地之正氣也神哲至徽欽中間無一善政雖以元祐數年而一日之暴不勝十日之寒馴致父子蒙塵中原淪喪紹興三十餘年崎嶇轉徙之餘一綫僅存不至覆亡者幸耳矧乎秦檜之遺臭未遠藝祖之屏息乍萌爲孝宗者正宜如勾踐十年生聚十年教育然後振揚威武聲罪致討夫誰曰不然豈有甫及正辰遽爾倖功者哉當時諸臣無一解此史浩之流失何足語而大脣必大十朋洪邁之徒

議亦不及浚區區欲藉歸正賊徒逃亡孽息

李顯忠本歸正人所領劉

光世兵初

與以成功難已宏淵亦未知師克大義其在岳

飛督府議事之時已知其無能爲而四州或予或奪稱號  
或正或不正迭書史冊祇爲萬世一浩歎而已何足多哉

弘簡錄卷九十五

明刑部員外郎仁和邵經邦弘齋學

皇清翰林院侍講學士四世孫遠平校閱

天王 宋一之十一下

孝宗乾道元年春正月辛亥朔合祀圓丘大赦改元辛酉魏杞  
至燕山金主命罷兵召二帥歸復書正敵國禮辛未立兩淮守  
令勸民種桑并督察飢民賞格壬申賑兩浙飢二月庚辰朔從  
太上帝后幸四聖觀甲辰久雨三月乙亥湖南盜起入廣東焚  
掠州縣官軍討平之夏四月庚子金遣報問使完顏仲等入見  
自同陪臣稱上爲宋皇帝五月丙子遣李若川等使金賀上尊  
號郴州盜李金等復作亂討獲之餘黨招安秋七月癸丑輔臣  
晚對還德殿見御坐後大屏記注諸道監司郡守姓名因命都



堂視此書之甲寅借職田租二年以裨經費已未鑄當二錢八月乙酉立子愔爲皇太子赦天下九月乙卯立廣國夫人錢氏爲皇太子妃丁卯升鼎州爲常德府冬十月戊子增頭子錢癸巳上及太子詣德壽宮稱謝乙巳淮北紅巾賊踰淮劫掠知楚州胡明擊殺賊首蕭榮二年春正月裁定內外軍額總四十一萬八千殿前司七萬三千馬司三萬步司二萬一千建康五萬池州一萬二千鎮江四萬七千江州一萬楚州武鋒一萬一千平江許浦水軍七千鄂州四萬九千荆南三萬興州六萬興元一萬七千金州一萬一千歲費錢八十萬緡二月戊寅幸玉津園宴射遂幸龍井三月丁卯賜進士蕭國梁等共四百九十三人及第出身夏五月庚戌以右諫議大夫林安宅同知樞密院事六月丙子刑部上乾道新編特旨斷例秋七月戚方轉武

當軍節度使八月辛未朔詔兩淮行銅鐵錢毋過江北癸未降  
會子交子于鎮江建康務場丙戌林安宅誣劾葉顥子受金謫  
住筠州丙申升宣州爲寧國府九月詔舉將帥有智勇材能者  
甲寅置章奏簿錄臺諫侍從奏辭以備省覽乙卯改造大曆參  
新舊用之辛酉追封子恪爲邵王諡悼肅己巳魏杞等上神哲  
徵三朝帝紀并太上皇聖政冬十月癸酉轉進德壽宮十一月  
汰冗兵己酉出內藏及南庫銀以易會子官司並以錢銀支遣  
民間從便仍許兩淮總領所自造壬子詔修祥曦殿記注甲子  
大閏戊辰築鄂州城十二月庚午朔白氣亘天癸酉以兩淮鐵  
錢交子流轉不行詔三省侍從臺諫漕臣郡守條具利害以聞  
辛巳免進呈欽宗日曆實錄送國史院修纂甲申葉顥魏杞並  
相庚寅以國用匱乏詔宰相兼領制國用使參政同知國用事

癸巳詔監司守臣舉廉吏 三年春正月甲辰詔大理毋以獄

情白宰執探旨意爲輕重庚戌置三省戶房國用司月上宮禁  
及百司官吏三衙將士請給之數癸亥罷銅錢過江之禁裁定  
利州西路諸軍額二月乙亥罷成都潼州路轉運司輪年銓試  
以其事付制置司甲申立知陳州陳亨祖廟於光州賜名愍忠  
諡曰愍節丙戌以武經總攷孫子賜諸將帥丙申從太上帝后  
幸玉津園三月甲辰又從幸聚景園歲以爲常辛亥詣德壽宮  
恭請裁定醫官員額丁巳詔四川宣撫司剗招千人置司所在  
屯駐五月癸卯葉顒等上三祖下仙源積慶圖及太宗真宗玉  
牒哲宗寶訓壬戌減三衙官屬六月乙亥金使來取被俘人詔  
實在民間者還之軍中人及叛亡者不預辛卯皇后夏氏崩秋  
七月乙巳皇太子薨閏月丁亥戚方坐交結內侍陳瑜李宗回

除名瑜夾杖黥配循州宗回筠州編管方竄信州復徙潭州籍  
所盜庫金以犒軍八月甲寅久雨命內外疏決繫囚宰相請罷  
不許壬戌以知建康府史正志兼沿江南北水軍制置使沿海  
十五州水軍悉隸之九月戊子太白晝見冬十月乙未朔占城  
入貢十一月丙寅合祀閼丘大雨而雷望祭於齋宮赦天下罷  
葉顥魏杞詔臺諫侍從兩省官指陳闕失及舉堪郎官寺監監  
司郡守者十二月乙巳置豐儲倉增印會子是歲增修真楊并  
六合城兩浙水四川旱江東西湖南北路蝗振之四年春正  
月戊辰籍荆南義勇民兵壬午奪秦墳秦堪吳益郊恩廩補二  
月戊戌置和州鑄錢監巳亥蔣弆入相乙巳賜王炎進士出身  
簽書樞密院事癸丑五星皆見三月庚午以敷文閣待制晁公  
武爲四川安撫制置使戊寅賜果州團練使韓崇岳廟名忠勇

宣州觀察使朱勇廟名忠節己丑四方霧下若座夏四月己亥  
置郢州轉般倉癸卯遣使撫卹蜀二州飢民爲亂者并振綿漢  
等州甲寅蔣芾等上欽宗帝紀實錄丙辰李燾上所著續資治  
通鑑長編自建隆至治平一百八卷乙丑太白晝見丙戌行乾  
道新曆丁亥饒信及建寧飢民嘯聚遣官措置振濟六月癸卯  
詔四川撫司增印錢引一百萬對貧民開預借錢并蠲卹蜀二  
州夏稅丁巳召興化布衣林象建寧布衣魏煥之赴行在秋七  
月己巳罷沿江水軍制置司徵衛等州大水知衢州王悅憂勤  
致疾而死贈直龍圖閣丁亥以經總制餘剩錢二十一萬緡椿  
留卹蜀以備振濟己丑久雨御延和殿慮囚八月乙未班祈雨  
雪法於諸路己亥五星復見九月庚申立內外佐升差審察法  
限品官子孫名田庚午從太上皇幸天竺寺冬十月乙未詔自

今職事官吏局務官必任滿方許求外未歷親民任使卽未得  
擬州郡但授通判甲辰大閱十一月乙亥詔峽州布衣郭雍赴  
行在賜號冲晦處士癸未岳陽軍節度使居廣封永陽郡王  
五年春正月甲戌命徐子寅措置兩淮屯田二月甲辰以王炎  
參知政事兼同知院事辛亥諭兩省自今詔令未經書讀者毋  
輒行給舍駁正毋違衙門奏三月乙亥召允文赴行在代以王  
炎宣撫四川丙子賜進士鄭僑等三百九十有二人及第出身  
癸未詔侍從監司帥臣管軍薦武舉出身可任將佐者夏五月  
己巳帝射弩弦斷傷目六月戊戌始視朝秋八月甲申朔日食  
己丑俊卿允文並相以人材爲急一時所用故皆名士九月集  
議欽宗配饗功臣壬申命淮西撫司參議官許子中措置淮西  
山水砦招集歸正忠義人耕墾官田冬十一月癸丑朔復置淮

東萬弩手名神勁軍庚申增置廣東水軍以明州定海縣水軍  
爲御前水軍丙寅立岳飛廟於鄂州己巳太白晝見是歲修廬  
和并襄陽府城溫台衛發饒信飢畱上供米以賑之六年春  
正月上召黃中講正心誠意之學癸丑雅州沙平蠻寇邊制使  
晁公武討之失利降金字牌下宣撫王炎遣人約蠻歸部稍捐  
邊稅與之遂罷制置司歸宣撫司庚午以知廬州郭振爲武泰  
軍節度使二月乙酉詔戶部侍郎二人分領諸路財賦丙申廣  
西路復行鈔監法以備漕計壬寅詔諭大臣均役法嚴限田抑  
游手務農癸庚戌遣司農寺丞許子忠詣淮西措置鑄小錢錢  
三月大周仁卒贈太尉乙卯復置江浙荆湖兩廣福建等路都  
大發運使命史正志領之併淮東總領所於淮西以敷文閣直  
學士張震代知成都府充安撫使賜正志緡錢二百萬爲均輸

和糴之用置司江州兼領鑄錢夏五月甲寅裁減三省六部樞密吏額餘百司并三衙以是爲差己未宰臣上神哲微欽四朝會要閏月戊子趙范成大爲全國所請使求陵寢地并定受書禮八月庚戌宰相允文請建太子并上乾道勅令格式九月壬辰成大還祇許還奉陵寢及歸欽廟梓宮而不易受書禮冬十月丙辰詔發運使置司行在甲戌中書舍人趙雄請置局議恢復俄遣使金十一月壬午合祀圜丘大赦加上太上尊號憲天體道四字太皇太后明慈二字置左藏南上庫十二月戊申大閱癸酉罷發運司以史正志奏課不實責爲楚州團練副使永州安置是歲置同安斬春齊安興國廣寧豐餘裕國等監以鑄鐵錢兩浙江東西福建水旱七年春正月丙子上率羣臣奉上尊號冊寶諭大臣非常之慶漢唐所無丁丑侍宴德壽宮壬寅



命三省錄宣諭聖語及時政記同進作敬天圖朝夕觀覽以自警省二月癸丑立子惇爲皇太子夫人李氏爲妃大赦增講讀官加封慶王愷爲魏王三月乙亥朔趙雄等還金主責以不請靈柩而請山陵其意欲得鞏洛耳乃以一品禮葬欽宗於鞏洛之原丙申御大慶殿皇太子受冊己亥皇太子恭謝紫宸殿宰相率百官赴東宮賀夏四月甲子皇太子判臨安府五月丁亥劉珙辭起復因上五策帝納其言爲寢前詔六月丙午復李顯忠太尉秋七月庚子加王炎樞密使仍宣撫八月辛酉復修襄陽城九月甲申從幸東園冬十月丁未罷紹興宗正行司改恩平王判西外宗正壬戌金遣烏林答天錫等來賀會慶節固請帝降榻問金主起居帝不許跪而不起虞允文請帝還內知閣門事王抃諭以明日見天錫沮退癸亥金使隨班入賀十一月

甲戌御集英殿策試賢良方正能直言極諫李廌賜以制科出身十二月庚申詔開門舍人依文臣館閣以次輪對癸亥罷太醫局是歲湖南江東西路旱振之募民爲兵八年春正月庚午朔頒乾道勅令格式丁酉朝獻景靈宮二月乙巳改左右僕射爲左右丞相兼樞密如故丙午詔六察分隸事有違戾許監察御史隨事具實糾劾以聞戊申遣姚憲等使金賀上尊號附請受書之禮不報癸丑以吏部侍郎王之奇簽書樞密院事夏四月庚子賜進士黃定等三百八十九人及第出身甲子徐子寅等坐校田歸正人逃亡奪官秋九月乙亥詔王炎赴都堂治事戊寅罷允文宣撫四川己丑賜以家廟祭器壬辰入辭帝諭以治兵伺報決策觀征十二月朱熹資治通鑑綱目成特改宣教郎屢召不起是歲隆興府江筠州臨江興國軍大旱四川水

九年春正月辛未罷王之奇江南安撫使王炎觀文殿大學士奉洞霄祠乙亥戶部侍郎沈夏刑部尙書鄭剛並簽樞密院事乙酉以措置兩淮荆襄十六事勅安撫轉運使督諸州守臣月具所行事奏仍審擇臧否以議黜陟閏月戊申久雨命諸司疎決繫囚乙卯修廬州城二月乙亥青羌那兒結寇安靜砦黎州推官黎商老戰死夏五月壬辰朔日食秋七月壬寅青羌那兒結降辛亥吐蕃關羌畜列陷安靜砦引兵深入黎州守臣誘邛部蠻却之八月丙子詔興修水利九月丙申克家等上中興會要并上皇及今上玉牒冬十月甲子遣留正等使金賀正旦壬申喬雲見甲戌會懷爲右丞相張說知樞密院事鄭剛參知政事沈夏同知院事庚辰金遣完顏襄等來賀會慶節丁亥入辭示允文速爲邊備十一月戊戌合祀圖丘大赦改明年元旌

漢州什邡縣陳敏政五世同居十二月甲子沈夏罷知江陵府  
以中丞姚憲簽書院事乙丑金遣完顏章等來賀正旦以議受  
書禮不合詔俟改日復奉太上皇旨姑聽仍舊是歲浙東江東  
西湖北旱

淳熙元年春正月交趾入貢詔賜國名安南封李天祚安南國  
王三月丙申以鄭文爲四川宣撫使金遣梁鼎等來計事夏四  
月戊寅遣張子顏等報聘己卯以姚憲參知政事尋謀奪會懷  
相位懷落職奉祠五月壬寅班鄭興裔所創檢驗格目六月丙  
辰朔詔禮官討論別建四祖廟正太祖東嚮位癸酉改江陵爲  
荊南府秋七月成都府路安撫薛良朋兼權四川安撫制置使  
戊子詔舉廉吏壬辰會懷復相姚憲謫南康軍八月己未張說  
罷以徽猷閣學士楊傑簽書院事冬十月丙寅鄭聞卒戊寅占

城入貢十一月甲申朔日食楊傑罷十二月丙寅詔改所鑄銅錢庚午詔禮官論復魏悼王襲封壬申葉衡等上真宗玉牒轉沈夏四川宣撫使二年春正月癸巳梁克家曾懷擅改堂除落克家觀文殿學士降懷代之丁未兩淮歸正人安業復賞徐子實等庚戌詔籍諸軍子弟爲背嵬軍三月丙申太上皇壽登七十詔禮官討論稱慶典禮乙巳詔武舉第一人補秉義郎除諸軍計議官夏四月乙卯賜進士詹曠四百二十有六人及第出身茶寇賴文政起由湖北入湖南數敗官軍命辛棄疾節制江州都統皇甫偁鄂州都統李川調兵捕之五月宴輔臣於玉津園六月庚戌朔沈夏復除同知樞密院事辛酉罷四川宣撫復制置使丁卯左司諫湯邦彥論劾宰相樞密竇革建康軍炎袁州說撫州並落職戊辰命振湖南江西被寇州縣仍蠲租稅

茶寇轉犯廣東治失律罪編管江西總管賈和仲秋七月辛丑  
李山西方八月丁丑遣邦彥等使金中議九月乙卯朔邦彥請  
分揚廬金興四州荆南襄陽興元三府爲七路每路文臣一人  
充安撫使以治民武臣一人充都總管以治兵三載視其成以  
議誅賞從之葉衡沈夏相繼罷閏月丁巳棄疾誘文政殺之茶  
寇平冬十一月戊申朔奉冊寶加上太上尊號性仁誠德經武  
緯文八字太后尊號廣慈二字餘如故十二月甲子立春日朝  
德壽宮預行慶賀禮大赦頒淳熙吏部七司法 三年春三月  
丙午朔日食霧雲不見辛亥進呈太上皇日曆己未置六部編  
勅司癸亥從幸報恩寺辛未詔四川制司歲擇梁洋義士材武  
者二人赴樞密院壬申立任子參選覆試法夏四月戊寅詔侍  
從臺諫兩省官歲舉監司郡守各五人辛巳靖州獠人寇邊遣

兵討捕之丁酉湯邦彥陳雷至金所議不行挾之以威恐怖乃  
還命除名竄新永州自是河南之議始息不復泛遣使矣秋七  
月建康畱守劉珙賑濟有方詔獎之八月乙亥褒六察官糾察  
庶務臺綱益振各進二官壬午久雨命中外決繫囚戊戌靖州  
獠寇平九月遣官磨勘三總所財計癸亥詔自今犯公罪至死  
者其蔭補具所犯奏裁著爲令冬十月丙子御文德殿冊立貴  
妃謝氏爲皇后十一月癸丑合祀圓丘大赦十二月以袁樞所  
編通鑑紀事賜東宮令熟讀丁酉定鑄錢司歲額爲十五萬緡  
是歲京西湖北諸州興元府金洋州早紹興府台婺州水並振  
之四年春正月戊申閱視內外諸軍歲以爲常庚申水戰  
丁卯班淳熙曆二月乙亥幸太學祗謁先聖退御敦化堂命祭  
酒林光朝講中庸遂幸武學謁武成王廟以曹彬從祀命升李

晟於堂上降李勣於其次監學官各進秩諸生推恩賜帛有差  
已卯幸秘書省賜省官宴賦詩屬和戊戌知荆南府胡元質爲  
四川制置使兼知成都府三月己酉龔茂良等上仁宗玉牒徵  
宗實錄甲寅修韶州城夏五月庚子朔幸佑聖觀六月癸未升  
蜀州爲崇慶府秋七月壬寅立待補太學試法每正解一人待  
補五人戊申班御史臺彈奏格乙酉罷王雱從祀甲子班淳熙  
重修勅令格式九月丁酉朔日食庚戌命禮官定開寶政和祀  
禮已卯詔將士智勇傑出者躡等升差十二月丁卯試四川所  
上洋州義士授官遣之己巳詔行薦舉事實法是歲福州建寧  
府南劍州水並振之五年春正月命宰臣編光堯慈訓辛丑  
侍御史謝廓然奏毋以程頤安石之說取士三月壬子復史浩  
右丞相是春黎州蠻出降夏四月辛未賜進士姚頴等四百十



七人及第出身己卯罷趙思起居舍人以奉使不知禮仍降二  
官五月庚子置武學國子員丁未修臨安城六月甲申以給事  
中錢良臣簽書樞密院事閏月丙申贈強電強震官立廟西和  
州賜名旌忠秋八月甲午詔復制科舊法戊午增銓試爲五場  
呈試爲四場冬十月戊戌史浩等上三祖下第六世仙源類譜  
十一月甲戌浩復罷政丁丑趙雄爲右丞相王淮樞密使錢良  
臣參知政事庚辰復監司互察法十二月庚寅朔班新定薦舉  
式丙午禁兩淮銅錢復行鐵錢是歲階成興化軍水通泰楚州  
高郵軍田鼠傷禾三佛齊國入貢六年春正月從大社令葉  
大廉言詔御前宣索並經由合同憑由司二月己丑朔幸佑聖  
觀皇太子從少傅史浩少保曾覲皆侍賜宴從容上心甚悅顧  
謂方今講讀經固所當先史亦不可廢皆恭聽壬辰錢良臣自

劾失舉帝謂以身行法朕不敢私命鑄三官丁巳裁特奏名試  
法毋竟授親民官三月己巳郴州賊陳炯等破連道州桂陽軍  
諸縣命湖南帥臣討捕之夏四月旱詔求直言知南康軍朱熹  
上疏極言時政除提舉江西常平茶鹽五月乙亥郴寇平籍其  
降者隸荆鄂軍六月詔四川不經兵火所藏必多命求遺書辛  
亥廣西妖賊李接破鬱林州守臣李端卿棄城遁遂圍化州命  
經畧劉焯討捕之秋七月戊辰班龍興以來寬恤詔令趙雄等  
上會要癸未太白晝見經天九月辛未合祭明堂大赦獨被寇  
州縣租稅冬十月丙申詔太學兩優釋褐與殿試第二人恩例  
庚子四川行當三大錢戊申妖賊平擢焯集英殿撰端卿除名  
編管梅州十一月乙卯朔命宰執示從臣御制論數百言漢言  
用人之弊誅賞之法辛酉裁宗子換官并試法凡宗室有出身

人得考試及注教授官十二月丙申重修淳熙百司法卽以名  
之己亥詔自今詢賊吏後雖原貸毋以失入坐獄官罪是歲溫  
台州水和州旱 七年春正月頒釋奠儀己卯詔京西州軍用  
鐵錢及會子民戶銅錢並以二者償之滿二月不輸官許告賞  
二月丙戌復置皇太子宮小學教授三月壬戌詔舉制科庚午  
迎太上帝后宴翠寒堂夏四月丙戌趙雄等上仁哲二宗玉牒  
甲辰黎州五部落蠻人淡入犯盤陀砦綿潼都監高晃與戰敗  
走大掠而去己酉命廕補武舉宗室小使臣行三年喪五月己  
卯申飭書坊擅刻書籍六月壬辰五部落再犯黎州制司鈴轄  
成光延戰敗官軍多死權州事折知常棄城遁甲午制司益兵  
遣都大提舉茶馬吳總往平之壬寅詔試刑法官兼經義秋七  
月丁卯旱決繫囚命羣臣分禱山川八月癸未禁黎州官吏市

蕃商物甲申諭輔臣職事官以上各實封言事是夕丙申辰轡  
復犯塞左軍統領王去惡拒却之折知常賂使獻馬乞降詔許  
互市九月丙寅聽監司薦舉知縣成資冬十月丙戌詔假田太  
寬民役煩重令臺諫給舍同戶部長貳詳議以聞十一月癸亥  
黎州戍軍伍進等作亂知常復遁王去惡誘誅之十二月庚寅  
趙雄等上仁哲徽欽四朝國史志壬辰責制使胡元質不備蕃  
部致其猖獗奪兩官罷之以成都府路提點刑獄祿東之權四  
川制置司袁州分宜縣水南康軍旱蠲租振之 八年春正月  
詔自今內侍不得兼軍職永爲定制三月賜進士黃由以下及  
第出身夏四月修湖南諸州城丙辰臨安疫分命醫官診視癸  
酉立郴州宜章桂陽軍臨武縣學以教養峒民子弟五月戊寅  
詔監司守令勸課農桑察其勤惰以爲賞罰辛卯久雨減京畿

兩浙罪囚貸貧民稻穀種六月加史浩少師詔以所薦薛叔似  
楊簡陸九淵陳謙葉適袁熒石宗昭趙善譽趙靜之張子智等  
並赴都堂審察秋七月不雨罷招軍辛卯賞監司守臣十六人  
修舉荒政諸縣令有能者各以名聞壬辰紹興嚴州臨安府諸  
縣大水山秀婺州平江府米賑糶辛丑錄范質後八月丙辰更  
後殿幄次爲延和殿已未陳峴爲四川制置使戊辰從官官論  
歉歲蠲減經費有虧令戶部據實以聞毋得督趣已蜀閣之數  
九月庚辰命諸路提舉司貸民麥種辛巳錢良臣罷冬十月辛  
酉錄黎州戰歿將士十一月甲戌罷喜雪宴上惡池州守趙粹  
中誤殺通卒汪青詔落職優給青家辛卯漕行在至鎮江府運  
河十二月移朱熹浙東提舉常平上出內庫錢付以振糶丁未  
禁諸州營造蜀明年身丁錢物以曾慥募閩廣民入米甲子下

朱熹社倉法於諸路是歲廣東安撫鞏州誘潮賊沈師出降陳  
之除汀漳民爲所蹂踐者賦役江浙兩淮京西湖北潼川夔州  
等路水旱相繼廢糜蠲租遣使按視徵饒二州民流者衆罷其  
守臣有流入江北者命所在振業 九年春正月甲戌詔四孟  
朝獻分用三日如在京故事上加意荒政勸諭振貸推賞不絕  
仍差官諸路按視督察着實舉行癸未王朴罷奉外祠更以文  
臣爲樞密都承旨又罷諸軍承受復密院文書關錄兩省舊法  
二月庚戌遣使訪問二廣鹽法利害俄更官賣復行客鈔戊辰  
四川制司獲叙州賊大波浪夏四月乙卯詔文武臣通置諸路  
提刑一員癸亥帝覽陸贄奏議論講讀官今日恐有如德宗之  
弊者卿等條陳來上無有所隱五月丙子詔輔臣擇監司郡守  
必先才行六月壬寅又詔侍從臺諫各舉操修端亮風力彊明

可充監司者秋八月庚子詔皇后內命婦并文武臣遇郊薦致仕遺表恩澤視舊法減三之一九月辛巳大享明堂赦十一月乙酉進奏院火是歲浙西淮東蝗嚴捕賞罰賜臨安貧民棺殮錢十年春三月戊辰李燕復上治平以後通鑑長編辛未有司請造第七界會子夏四月丙申再蠲臨安府民丁身錢三年五月丙寅增小學教授一員六月戊戌監察御史陳賈請禁僞學已未詔舉廉吏嚴賊吏禁秋七月乙丑不雨決繫囚丙寅幸明慶寺命羣臣分禱郊社宗廟山川求直言中外官各陳闕政王淮等乞罷不許丁丑詔除災傷州縣去年欠稅甲申雨八月庚申以左藏南庫隸戶部九月丁亥禁內郡行鐵錢冬十月乙未詔諸路義役差役各從民便十一月壬戌朔日食甲戌幸龍山大閱閏月壬寅却安南獻象是歲福漳台信吉等州水京西

金澧州南平荆門興國廣德軍江陵建康鎮江紹興寧國府俱  
早十一年春正月辛卯朔雨土上立心忠厚聞太湖知縣趙  
傑之不丁繼母憂令宰相降一官不必明言其罪辛丑安化蠻  
蒙光漸等犯宜州廣西鈴轄沙世堅討獲之二月詔遷萬弩手  
材武者試授以官三月癸巳命利路三都統吳挺郭鈞彭杲密  
陳山師進取利害以備金人復金州管內安撫司夏四月戊辰  
賜進士術涇以下三百九十四人及第出身癸未重頒紹興申  
明刑統五月癸卯以校書羅點言命刑寺議減刺配法情輕者  
別令居役或編管他郡庶得全其面目知所顧藉可以自新六  
月詔舉制科不限三年之數制舉題免出註疏策內有及軍民  
利病考官哀類以聞秋七月甲寅築黎州要衝城冬十月壬午  
詔以忠義立廟者悉令兩淮清臣繕治十一月令峽州歲時有



問處士郭雍尋賜號願正先生十二月熊克上九朝通畧丁巳  
修湖南府城是歲江東浙西諸州水福建廣東吉嶺州建昌軍  
興元府金洋西和州旱詔賑恤十二年春正月上留憲將帥  
嘗戒以蔽功忌能專已自用因舉趙奢解開與之圍始不納  
諫及許歷進北山之策奢卽許諾卒敗秦師奢爲封君與廉頗  
同仕不以爲害卿等當取爲法壬辰四川制司留正遣人誘青  
羌那兒結殺之戊戌日中有黑子庚戌又見二月庚辰置黎州  
防邊義勇夏四月丙子牒言故遼太石林牙假道夏人以伐金  
密詔吳挺與留正議之五月辛卯福建諸州地震詔帥臣趙汝  
愚察守令擇兵官防盜賊秋八月癸亥太上皇壽登八十詔有  
司議典禮冬十月辛亥加上尊號紹業興統明謨盛烈八字太  
上皇后加備德二字餘悉如故十一月丁亥鄂州大火戊子雷

辛丑合祀園丘大赦十二月庚戌朔帥羣臣奉上冊寶推恩如故事十三年春正月庚辰朔率羣臣詣德壽宮行慶壽禮大赦文武臣僚並準三年磨勘免貧民丁身錢之半犒賜內外諸軍癸巳進史浩太傅陳俊卿少師嗣濮王士欽少保士峴開府儀同三司夏五月癸未日中有黑子宴經筵官侍讀蕭燧等以進讀陸贄奏議終篇賜金器鞍馬上名宰執賜酒從容語曰自古人君知道者少行道尤難德宗雖有陸贄不能盡如所言若魏徵則所言不虛朕每事必思以太宗爲法德宗爲戒閏七月丙午朔雨雹已未五星皆伏八月乙亥朔日月五星聚於軫壬午新築江陵城成冬十月甲戌朔福州火十一月甲子王淮上仁英二宗玉牒神哲徵欽四朝國史列傳皇帝會要十二月戊戌大理寺奏獄空十四年夏四月戊子賜進士王容以下及

第出身五月乙巳成都火六月戊寅久旱減膳撤樂頒蠲龍祈  
雨法釋繫囚甲申幸太乙宮明慶寺行禱宰相求罷不許庚寅  
臨安府火癸巳詔衡州葺炎帝陵廟秋七月丙午令陳闕政及  
當今急務罷戶部上供殿最及漕臣催理逋欠丁未蠲秀州糴  
本汀州經界已酉詔監司條上州縣弊事民間疾苦癸丑命檢  
正都司看詳羣臣封事給舍看詳監司所條弊事有可行者以  
聞丙辰命臨安府捕蝗募民輸米賑濟除紹興新科下戶和市  
布帛辛酉給僧牒兩浙江淮湖南福建鬻以濟飢戊辰雨八月  
甲戌御殿復膳九月癸卯上皇不豫日詣德壽宮問疾不視朝  
大事宰臣奏於內殿冬十月辛未赦癸酉分禱天地宗廟社稷  
乙亥崩於德壽殿帝號愍辟踊踰二日不進膳以甘舛主管喪  
事韋瑱等使金告哀伯圭攢官總護辛巳詔宰臣討論儀制朕

當衰服三年羣臣自遵易月之令乙酉百官五上表請帝還內  
詔答俟過小祥勉從所請戊子帝衰經御素輦還內三日一朝  
以師魯等充金國遺留使甲午詣德壽宮凡遇七日及朔望皆  
如之己亥大祥始服白布巾袍御延和殿請宮衰經而杖如初  
詔皇太子參決庶務三辭不許辛丑禪祭百官釋服甲辰羣臣  
復三表請御殿聽政詔答俟過祔廟辛亥冬至詣宮哭臨甲寅  
西南方有赤氣隨日而入乙卯雷十二月庚午大理寺奏獄空  
壬午東北方有赤氣隨日而出癸巳見金賀正旦使完顏崇安  
等於垂拱殿東楹之素幄禮物毋入付之有司十五年春正  
月丁酉朔詣几筵行禮戊戌皇太子初決庶務於議事堂在內  
寺監在外守臣以下與宰執同議除訖奏聞辛丑復置左右補  
闕拾遺乙巳詔自今御內殿令皇太子侍立三月丁亥金遣蒲

察克忠孝等來弔祭癸巳遣京鎰等報謝三月庚子上大行太  
上皇諡於几筵殿癸丑用洪邁議以呂頤浩趙鼎韓世忠張俊  
配饗廟庭吏部侍郎章森秘書監楊萬里乞用張浚岳飛皆不  
報丙寅擢永思陵夏四月壬申帝親奉迎虞主行禮自是七虞  
八虞九虞卒哭奉辭皆如之乙亥出洪邁楊萬里外郡禮官尤  
衰請再集議配享上用御史冷世光言復罷丙戌祔主太廟詔  
雖有前旨朕稽諸典禮心實未安行之終制乃爲近古宜體至  
意勿復有請己丑減臨安紹興囚罪獨擢宮役者賦遵皇太后  
旨車駕一月四詣德壽宮如舊禮五月乙巳詔諭薛叔似卿等  
以拾遺補闕爲名不任糾劾今所奏乃類彈擊甚非設官命名  
之意宜思自警丁巳詔修實錄壬戌始御後殿六月戊辰罷勅  
令所庚寅焚惑犯太微秋七月戊戌上廟樂曰大勳舞曰大德

八月甲子朔日食布衣陳亮上萬言書九月庚子夜南方有赤黃氣覆大內辛丑大饗明堂以太祖太宗並配大赦癸卯更試補醫官法甲寅上皇太后宮名慈福移居之冬十月甲寅會慶節免朝賀北使百官祇詣東上閣門拜表起居十一月庚子建煥章閣藏高宗御集甲辰詔百官輪對毋過三奏是歲江西湖北兩淮建寧府徽州水十六年春正月癸巳金主雍祖孫璟立辛亥諭二府以倦勤之意左丞相周必大留身呈詔己未更德壽爲重華官二月辛酉朔日食壬戌內禪皇太子卽位帝還於重華官辛未上尊號曰至尊壽皇聖帝皇后曰壽成皇后在位二十七年壽六十八崩諡曰哲文神武成孝皇帝廟號孝宗冊曰兩朝禪授歷代所稀孝宗光天終始無違賴及東南亦頗庶幾未盡中興難以厚非

天王 宋一之十二

光宗皇帝諱惇孝宗第三子母郭皇后以紹興十七年九月乙丑生於藩邸初授右監門衛率府副率領榮州刺史孝宗初改鎮洮軍節度使開府儀同三司封恭王資性英武類上與講官商較前代事時出意表皆謂不及莊文既薨屢欲立之阻於非次乾道六年七月太史奏水火合宿當有赦處允文因請蚤建儲貳孝宗曰朕此猶豫定已久所以遲之者恐人情易驕卽自縱逸不勤務學致有失朕更欲其練歷庶務通知古今庶無後悔爾七年因上兩宮尊號冊寶禮成允文復請孝宗曰太子旣立卽令親王出鎮外藩卿宜討論典禮以聞遂立爲皇太子命判臨安府究心民務周知情僞孝宗數稱之語趙雄曰太子資質甚美每遣人問安朕必戒以留意問學九年命解府事專

心講讀孝宗諒陰手詔令參決庶務以內東門司爲議事堂間日公服以見輔臣內外除擢自館職刺史以上方以上聞會周必大乞去孝宗諭以少留會陳康伯家以紹興傳位御劄來上密遣中使持賜必大因令討論典禮旣又密諭留正朕實欲退就休養以畢三年之制因兩府奏事明言傳位之意至日吉服御紫宸殿行禪代禮應奉官以次稱賀內侍固請就坐帝力辭扶掖至七八乃復坐復興丞相率百僚稱賀禮畢密院升殿奏事帝立聽班退孝宗反喪服御後殿帝侍立尋登輦同詣重華宮還上尊號立妃李氏爲皇后甲子率羣臣朝重華官大赦百官進秩優賞諸軍蠲公私逋負自此五日一朝壽皇却之仍依故事一月四朝宰相以下月一朝丙寅恭上冊寶辛未上祖母尊號壬申詔宰執從官內外臣僚陳時政闕失遣中書舍人羅



點等使金告卽位乙亥詔兩省官詳定內外封章有要切者具聞辛巳立生日爲重明節丁亥詔百官輪對秘書郎鄭湜首言本朝三事一事親二治內三教子願陛下盡事親之道以全帝王之大孝嚴正家之義以立刑于之規明教子之法以壽萬世之根本己丑詔編壽皇聖政庚寅詔羅典具可爲臺諫者疏上葉適吳鎰孫逢吉張體仁馮震武鄭湜劉從之沈清臣八人三月壬辰詔侍從兩省臺諫各舉可任湖廣及四川總領者己亥進封皇子橫嘉王賜以原存東官書籍責令誦讀癸卯金遣王元德等來告哀遣諸葛廷瑞沈揆等往弔祭并賀卽位甲寅加士峴少保戊午金遣張萬公等來致遺留物徒單鎰等告卽位己未罷拾遺補闕改薛叔似許及之等官夏四月丙寅孟饗太廟丙戌朝饗景靈宮五月戊申封和義郡夫人黃氏爲貴妃閏

月癸酉詔季秋有事於明堂以高宗配丙子出內帑錢賑臨安貧民壬午大理奏獄空秋七月辛酉閱儒林郎倪恕等封事可采還官免文解有差戊辰遣謝浹甫等賀金主生辰八月甲午升恭州爲重慶府癸丑金遣溫迪罕肅等來賀卽位九月癸亥完顏守真等來賀重明節戊辰詔侍從各舉公正彊敏嘗任守令及職事官材堪御史者甲戌詔監司帥守秩滿到闕薦所部廉吏冬十月甲寅大閱十一月庚午改元是歲常德鎮江府辰沅靖階等州大水入其廓南劔州火

紹熙元年春正月丙辰朔帝率羣臣詣重華宮奉上冊寶壬午何濟請置紹熙會計錄同戶部長貳檢正稽考財賦出入之數以聞二月辛亥殿中侍御史劉光祖乞禁議論道學通摘淳熙所定御史彈奏三百五條內有關於中外臣僚將帥后戚內侍

兵將禮樂風俗之事凡二十條奏乞付下恪守從之三月庚午  
久雨釋囚夏四月戊申賜進士余復以下及第出身婺州王介  
策言道學皆賢人君子當今不可爲諱帝嘉歎擢爲第三由是  
譏訕少沮五月丙子太白晝見六月甲午御後殿應囚秋七月  
癸丑錄趙普後八月辛卯初命任子及選人吏部簾試以革代  
倩之弊己亥上壽皇玉牒日曆己酉更造新曆名曰會元九月  
己未升劔州爲隆慶府冬十月庚戌詔諭郡縣吏奉法愛民十  
一月甲寅安南入貢壬戌潼川通判王溉擢節漕計代輸井戶  
重額錢詔獎之十二月戊申浦城盜張海作亂詔提點刑獄豐  
誼捕之安撫使趙汝愚與守臣監司各降秩縣令追停 二年  
春正月詔兩淮行義倉法修六合城戊寅雷電雨雹三月庚辰  
朔大雨雪乙酉詔侍從臺諫兩省卿監郎官館職各具時政闕

失以聞出米賑臨安貧民權罷修皇后家廟上初政宴遊無度  
宮女進獻不時伶人出入無節宦官侵奪朝政加以興作不輟  
起建樓臺甚至奏羌戎樂習齋郎舞使嬖妾雜優人飾以怪異  
巾服備極醜態辛卯布衣余右上書極諫帝怒送筠州尋謫  
丁未金遣完顏亶等來告主母徙單氏之喪遣宋之瑞等往弔  
祭三月丙寅詔福建提刑陳公亮知漳州朱熹同措置漳泉汀  
三州經界癸酉建寧府雨雹壞民居温州大風雨雷雹田苗桑  
果蕩盡丙子出右司諫鄧驛夏四月乙酉從壽聖及后幸聚景  
園丙申詔侍從兩省臺諫及外臣各舉所知嘗任監司郡守可  
充郎官卿監及資歷未深可充諸職事官者五月留正復請建  
儲上覆以稍緩俟過宮與壽皇議辛亥詔六院官許輪對仍入  
雜壓庚申詔宰執侍從經筵翰苑官自今內殿不時宣對及別

奏事庶廣咨詢以補治道六月戊寅詔監司到任半年條上裕  
民事如郡守秋七月己未出會子收兩淮私鑄鐵錢乙丑復置  
太醫局九月乙丑久雨命夾繫囚己巳詔侍從於嘗任卿監郎  
官內選堪斷刑長貳以聞冬十月丙子朔罷經界丁丑築福州  
外城庚辰減大禮百官賜物三之一十一月乙巳冊加高宗徽  
號受命中興全功至德聖神武文昭仁憲孝皇帝立廟百世不  
遷辛未有事於太廟皇后殺貴妃黃氏以暴卒聞壬申合祭園  
丘因大風雨不成禮而還帝震懼感疾罷稱賀肆赦不御樓壽  
皇及后幸大內視疾自是帝不視朝十二月丁亥始御內殿對  
輔臣甲辰內侍省都知楊皓押班黃邁私相朋附刺配撫州并  
決住常州是歲潼川崇慶建寧三府大安石泉淮安三軍福興  
汀利果合綿漢八州大水資簡普榮階成西和鳳八州并淮東

富順監早徵及金州大火三年春正月乙巳朔帝有疾不視

朝詔輔臣代行恭謝之禮二月丙嘉王府講讀官二員甲子成

都府路運判王溉代民輸激賞等絹錢詔進一官令再任三月

甲戌修天長縣城辛巳帝疾稍愈始御延和殿聽政封皇子濤

安定郡王羣臣上言願陛下清心寡慾弱自節儉然後明詔大

臣裁立經費上不能用乙酉留正求去不許庚寅宜州蠻寇邊

改知蠻州沙世堅知宜州以討之夏四月戊午帝朝重華宮王

月帝復疾不視朝秋七月壬午瀘州卒張信等作亂殺帥臣張

孝芳軍士下進張昌擊殺之九月甲戌修德安府外城冬十月

壬寅修大禹陵廟丙午修潭州城庚申會慶節丞相率百官詣

重華宮拜表稱賀十一月丙戌日南至丞相代行慶賀禮羣臣

羅點尤袤黃裳等疏請還宮及汝愚面請帝皆開納辛卯帝后

同朝重華都人大悅十一月癸卯帝率羣臣上壽皇玉牒聖政  
會要是歲四川江東京西湖北大水四年春正月己巳朔帝  
及后朝重華宮二月戊戌陳源復召除在京宮觀丙寅貸淮西  
民市易錢出米賑江陵飢甲戌皇孫生三月丙子復朝重華宮  
夏四月癸巳從幸<sup>聖</sup>景園乙未修巢縣城五月己巳賜進士陳  
亮以下及第出身授李僑成都府司戶參軍自以歲不及親乞  
致仕官回贈父母帝嘉其志許之六月己酉御<sup>後</sup>安慮因癸丑  
蠲臨安稅甲寅太白連晝見秋七月丙寅大雨雹丙子不雨命  
決繫囚乙酉叙州夸賊沒該落無等寇邊遣兵討平之八月丙  
申蠲紹興丁鹽茶租錢丁巳起復吳挺子曦爲漳州團練使帶  
御器械九月庚子重明節百官上壽請帝朝重華宮不聽甲申  
將朝皇后復止之舍人陳傳良引<sup>諸</sup>力諫不聽戊子彭龜年沈

有開倪思等咸上疏不報冬十月己酉朝獻於景靈宮夜地震  
庚戌復值朝獻地再震生毛壬子羣臣合請朝重華宮三疏不  
報甲寅雨土趙彥逾等疏請會慶節屆壽皇降旨朕自秋涼以  
來思與帝相見帝以疾辭丞相葛邲率百官代賀於重華宮禮  
畢上章居家待罪詔不許戊午黃裳等請誅內侍楊舜卿臺諫  
張叔格崔頴以言不行乞罷黜太學生汪安仁等二百餘人上  
書皆不報己未丞相以下奏事重華宮庚申將朝役稱疾不果  
羣臣上疏自劾請罷彭龜年奏逐陳源以謝天下又不報十一  
月辛未日中有黑子壬申侍從兩省趙彥逾等十一人同班奏  
事癸酉太白晝見夜有赤雲白氣戊寅帝始赴重華都人大悅  
日中黑子減癸未上祖母尊號曰壽聖隆慈備福皇太后十二  
月戊戌朝重華宮金使回奏金人問朱熹安否詔以熹爲湖南



安撫使知潭州是歲浙東兩淮荆湖大水江東浙西惟西旱成  
議賑恤五年春正月癸亥朔帝御大慶殿受朝遂朝重華宮  
次率羣臣詣慈福宮恭上册寶推恩如故事癸酉壽皇不豫三  
月己巳壽成皇后生辰免過宮上壽夏四月甲午帝幸玉津園  
皇后及後宮皆從乙未壽皇幸東園己亥朝獻於景靈宮壬寅  
不雨命夾紵囚癸卯雨土甲辰侍從入對己酉太學程肖說等  
覆書大臣事聞帝將以癸丑日朝至期丞相以下入宮門俟至  
日長帝復辭疾不果侍從館學官皆乞罷黜職事官百餘人請  
去詔咸不許丙辰侍講黃裳秘書少監孫逢吉等再疏以請丁  
巳臺諫交劾內侍陳源楊舜卿林億年離間兩宮陳傅良請以  
親王執政或近上宗戚一人充重華宮使皆不得命傅良繳上  
告勅出城待罪五月甲子侍從入對未得見率執詣重華宮問

疾丁卯壽皇疾亟命丞相以下分禱天地宗廟社稷留正等詣  
帝侍疾亟引帝裾隨至福寧殿久之涕泣而出辛未求罷帝命  
皆退於是丞相以下咸出城待罪知閣門事韓侂冑復請宣押  
入城許之乙亥帝將朝復不果戊寅赦庚辰丞相以下詣宮問  
疾癸未彭龜年叩頭奏請詔令上殿京鎰哀說友入對又請甲  
申從官及府僚列奏乞令嘉王詣重華問疾許之王至宮朝見  
壽皇爲之感動六月戊戌大漸嘉王并宰執泣請於後殿不得  
命是夜壽皇崩於重華殿遺詔遷壽成皇后於宮後以便定省  
發重華宮錢銀百萬賜內外諸軍已亥丞相百官疏請詣重華  
成禮辛丑請就喪次成服皆不赴壬寅大斂嘉王入奏詔俟疾  
愈丞相以下請皇太后垂簾聽政不許請代行祭奠禮許之連  
夜白氣亘天帝奉皇太后旨以有疾聽就內中成服乙巳尊皇

太后爲太皇太后薨成皇后爲皇太后遣薛叔似等使金告哀  
林浞等致遺留物秋七月辛酉留正等請立嘉王爲皇太子帝  
許之方擬指揮以進御筆親書八字歷事歲久念欲退閑正得  
之大懼稱疾逃歸甲子奉太皇太后命皇太子卽皇帝位帝移  
御泰安宮壽五十四崩諡曰憲仁聖哲慈孝皇帝廟號光宗

冊曰內制強妃外拘姦宦兩朝之治壞於一旦